

Date – 21/05/2025

Time - 18:30 -18:40Hrs

AKASHVANI AIZAWL
REGIONAL NEWS BULLETIN

HEADLINES (EVENING)

1. Sorkar laipui hmalaknaa “Ek Ped Maa Ke Nam” campaign kal zelah, vawiin atang khan hmeichhiaten thingphun beihpui thlakna Mizoramah kalpui tan a ni.
2. Union Minister of State for Skill Development & Entrepreneurship and Education, Pu Jayant Chaudhary an vawiin khan Aizawla Primary School leh Museum te a tlawh.
3. Chhatisgarh-a Narayanpurah sipaiten Naxalite hel 27 an kaphlum.
4. Vawiina Pakistan ramchhung Khuzdar-a school bus-a bomb puaka inrawlh anga Pakistanin a puhna chu India chuan a hnawl.



EK PED MAA KE NAM

Sorkar laipui Ministry of Housing and Urban Affairs, hnuaia AMRUT Mitra Initiative -a “Ek Ped Maa Ke Nam” campaign kal zelah, Thingphun Campaign: “Women for Trees” chu Mizoramah kalpui tan a ni.

Urban Development & Poverty Alleviation Department bultumin Aizawl leh District Headquarters hrang hrangah ‘Women for Trees’ campaign hi kalpui a ni a, a tum ber chu hmeichhe Self Help Group (SHG)-te kaihhruaina hnuaiah thing, a tam thei ang ber, phun a ni a. Khawpui chhunga boruak thianghlim leh tui hna tha zawk kan neih theih nan thingphun theihna tura ram awl awm thei apiang; tui hna awmna bul hnai, park, Sawrkar ram leh a vel, school/college, anganwadi-ah te thingphun campaign hi kalpui tura ruahman a ni. Thingphunte hi a rei lo berah kum hnih khat tal enkawl chhunzawm tur a ni ang.

UD&PA Department Director, Pu Jacob Lalawmpuia hovin Mizoram-a ‘Women for Trees’ Campaign bultanna pui ber hi Edenthlar BSUP hmunah neih a ni a. He Campaign hawna hun tawiah hian AMRUT 2.0 hnuaia thawktute bakah Deendayal Antyodaya Yojana – National Urban Livelihoods Mission (DAY-NULM) hnuaia SHG member thahnem tak an thawk chhuak a ni.

RAIN HAVOC

Tukina Aizawl Chaltlang Lily Veng; Sairang Road-a lung tlain kawngpui a dan chah chu thenfai zawh a la ni lo a, lung toh lawt la tla maithei a awm nia hriat a nih avangin mipuite chu helai kawng hi la hmang rih lo turin Traffic thuneituten an chah.

Akashvani Aizawl zawhna chhangin, 2nd RO Traffic, ASI Pu Vanlalnghaka chuan tukin dar 4 leh a chanve vela lung tla chu National Highway Division-ten a thenfai hna an thawk mek a, zanin dar 7 velah chuan lirthei one way a tlan thei turin an thenfai theih tawh an beisei tih a sawi a, hetihruah hian vawiin tlai dar 3 vela inspection team ten an endiknaah helai hmunah hian lung toh lawt la tla maithei awm nia an hriat avangin mipuite chu helai kawngpui hi la hmang rih lo turin an chah tih a sawi.

Aizawl Traffic Police atanga thu kan dawn danin, tukin dar 4 leh a chanve velah khan Chaltlang Lily Veng; Sairang Road, Hrangbana Petrol pump thlanga lung tla chuan Domestic Gas Cylinder phur pakhat a hnawl avangin lirthei khalhtu chuan hliam tenau a tuar a, nunna ch  n erawh an awm lo tih an sawi a ni.

Hetihlai hian Mamit district Khawthlang lam atanga Aizawl panna kawngpui Nation Highway 108 Dialdawk leh Rawpuichhip inkar chu vawiin chhun dar khat vela ruahsur avanga kawng chhak atanga lung lian tla in a hnawh ping a. Kawng ping hi thuneitute hriattir an nih hnuah tlai dar 3 vel atang khan thenfai hna thawh tan nghal a ni a, kawng hnawhtu lung te hi a lianin, lung halna nen lo chuan khawih sawn theih a nih loh avangin a helna tur a sirah kawng siam chawp a ni a, vawiin tlai hian lirthei engchi pawh kal theih tur a siam hman beisei a ni.

Vawiin vek khan PWD Minister Pu Vanlalhlana hovin Buichali leh Sairang inkara kawng chhe zual lai te chu PWD a thawktute, NHIDCL a thawktute, Mizoram Truck Owners Association (MTOA) leh MTDA aiawhte nen a hmun ah kalin an enfiah a. PWD Minister chuan NH06 chu Mizoram chak lakna kawngpui pawimawh ber te zing ami a nih angin, engtik lai pawha lirthei zawh tlaka siam a tul thu a sawi a. NHIDCL hotute chu mipui, a bikin lirthei hmanga eizawng ten harsatna an tawh dante hrilhfiahin, tun aia chak lehzuala kawng siam hna kalpui turin a chah.

Vawiina kawngpui en hona ah hian hmun sawmhnih dawn laiah truck lian tana zawh harsa khawpa chhia a awm tih hmuh a ni a. NHIDCL, MTOA leh MTDA te chuan tun kar ni 23 atanga sawt lehzuala kawng siam hna kalpui a nih theih nan inrawnkhawmna an neih tur thu an tarlang a. Lirthei neitu aiawhte hian chak zawka kawngpui siam a nih theih nan kawng siam chung, zing dar 9 atanga tlai dar 5 thleng lirthei din tir an inhuam thu an sawi bawh a ni.

MZP

MZP General Headquarters Aizawl chuan June ni 13 ral hma ngeiin Zirtirtu aikal la te lakah sawrkar chu action la turin an phut.

MZP President H.Lalthianglima chuan vawiin khan MZP Pisapuia thuthar thehdarhtute kawmin, tun dinhmunah Mizorama district paruk atangin, sikul 14 a thawk, zirtirtu 22 aikal la report an dawng tawh a ti a, MZP chuan thla thar, June ni 13 ral hma ngeiin Zirtirtu aikal la te lakah sawrkar chu action la turin an phut a, mahni eizawna leh hlawh tam tak an hmuhna pawh rinawm taka thawk thei lote chu sawrkar in banin, a thawk duh leh thawk peihthe la turin MZP chuan sawrkar a ngen tih a sawi a ni.

Byte: MZP

Zirtirtu ai kal la mi 22 zingah hian Headmistress pahnih awmin, Upper Primary School, Zohmun leh Govt. Middle School, Rawlbuk Headmistress te an ni a, anni bakah hian Govt. Primary School, Chamdurtlang, leh Damdep II, Middle School atangin zirtirtu 4 ve ve, Upper Primary School, Zohmun atangin zirtirtu 3, Primary School, Zohmun , Bajirungpa Primary School, Govt.P/S II Cherhlun, Govt. Primary school, Leisenzo, Govt. Primary school, N. Tinghmun, Govt. Primary school, Bandiasora, Govt. High School, Rawlbuk, Govt. High School, Cherhlun atang te in zirtirtu pakhat theuhin ai kal an la a, zirtirtu ai kal la report an dawn zingah hian Higher secondary school zirtirtu an awm lo a ni.

<><><>

UNION MOS

Union Minister of State for Skill Development & Entrepreneurship and Education, Pu Jayant Chaudhary an vawiin khan Aizawl Chanmari-a PM Shri Govt. Model English Primary School, a tlawh a.

Union Minister hi classroom-ah te lut kualin naupangte a kawm a. zirtirtute pawh an thawh dan te a zawt bawk. Ei siamna hmun te a fangkual a, chaw chhumtute nen pawh an inkawmin an eisiam dan te a zawtin an thawk tha nia a hriat thu a sawi a ni.

Union Minister hian Mizoram State Museum, Zarkawt pawh a tlawh nghal a. Mizo nunphung leh khawsak dan hriat theih nana thil pawimawh chi hrang hrang vawn thatte chu a en kualin a hlu a tih thu a sawi bawk a ni.

<><><>

R NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

OPERATION SINDOOR TIRANGA YATRA

BJP Lai District Hqrs buatsaihin India leh Pakistan inbeihna, Operation Sindoor a India hnehna lawmna hun vawiin khan Lawngtlaiah hman a ni a, Lawngtlaia Political Party hrang hrang ten an telpui a ni.

Hemi puala inkhawm tawi Lawngtlai Areopagy a neih hi BJP Lai Dist. Hqrs Vice President Pu B. Lalhuma MDC hlui chuan a kaihruai a, ZPM Lai Dist.Hqrs Vice President Pu F. Lalluia chuan thusawiin tun hnaia Tourist mitena Kashmir ram an tlawh tuma mi 26 lai mai, helpawl tena nunrawng tak maia an thahtak an duh lohzia lantir nana, phuba lakna Operation Sindoor hmalakna kalpui mek ah India in Pakistan ram chhunga awm hel hmunpui leh Pakistan irbase engemaw zat tichhiain hnehna a chang chu alawmawm hle a, India ram hi ram hausa leh thiltitheh anihzia alangchho zel a ni a ti a, India in Operation Sindoor a kalpui kha ZPM party chuan a thlawp tlat a ni, a ti bawk.

<><><>

MADC

Tuipui Ferry a Kolodyne tuipui lei dawh turin khaw mipui harsatna a thlen tur enpuiin Mara Autonomous Dist Council CEM Pu M.Laikaw chuan Tuipui Ferry a tlawh a.

Siaha leh Lawngtlai inkar Tuipui Ferry a Chhimtuipui Lui Sorkar laipui in dawh tura ruahmanna a siam mekah Tuipui Ferry khua In 16 a tihchhiat dawn avang leh heng mite hian In dang sakna tur hmunlo ram an neih loh avangin harsatna an tawk a, Tuipui Ferry khawtlang hruaitu hrang hrang te chuan an khaw peng ah lo hmuakin an ram chin awm dan leh MADC forest ram, mimal ram chin te lo hrilhfiahin an manganna leh dinhmun te an lo hrilh a ni.

Tuipui Ferry VCP leh Khawtlang nu leh pa a an neih ten ziaka CEM hnenah dilna thlen in he Lei dawh tur hian In 16 a tihchhiat dawn bakah kum 1995 a leimin chhiatna nasa tak an tawh laia an ram tam tak a tihchhiat avangin an khuaa in dang thar turte pawh in In sakna tur ram an nei tawh lova, VC ten ram theh tur an nei tawhlo tih sawiin In hmun 32 tal tun dinhmun ah hian an mamawh thu sawiin CEM chu ram nu leh pa ber a nihna anga ngaihtuah sak turin an ngen an ni.

Pu M.Laikaw chuan Tipi Ferry khua te chu tunhma a thildanga an lo indawr tawh naah rilru puitling tak pu mi an ni tih a hria a, an dilna leh harsatna pawh hi Committee thuneihna sang tak nei dinin chinfel sak ngei an nih tur thu a sawi .

<><><>

NAXAL KILLED

Chhatisgarh-a Narayanpurah sipaiten Naxalite hel 27 an kaphlum. Union Home Minister Amit Shah-a chuan vawiina Naxal helte beihpui an thlak chu ramchhunga Naxalism nuaibo tura hlawhtlinna ropui tak anih thu a sawi a. Pu Shaha chuan vawiina Naxal hel kahhlum zingah hian an hotupa CPI-Maoist General Secretary Nambala Keshav Rao pawh a tel a ti a. Kum 30 chuang Naxal helho laka beihpui thlak anih hnuah General Secretary lelvel kahhlum a nih vawi khatna a ni a ti a. Security force te huaisenna fakawm atih thu a sawi bawk a ni.

Union Home Minister chuan Operation Black Forest kalpui anih hnuah Naxalite hel 54 man niin hel 84 sawrkar kutah an inpe a ti a. Helho te hi Chhatisgarh, Telangana leh Maharastra huamchhunga awm an nih thu a sawi a. Pu Shaha chuan Kum 2026 March ni 31 hmain ramchhunga Naxal hel awm zawng zawng Narendra Modia sawrkar chuan a nuaibo vek dawn tih a sawi bawk a ni.

<><><>

EAM

Vawiina Pakistan ramchhung Khuzdar-a school bus-a bomb puaka inrawlh anga Pakistanin a puhna chu India chuan a hnawl.External Affairs Ministry thupuangtu Randhir Jaiswal chuan Pakistan-in a puhna chu belhchian dawl lo anih thu sawiin an ramchhung buainaa India hmer tel chu an tihdan ve reng anih thu a sawi a. Khawvel ramdang hmuha firfiaka chetna chungchanga a mualphona thup nan India chu hetiang hian dawtin a puh tih a sawi a. Hetihlai hian he vanduinah thlenga nunna chante India chuan a tawrhpuithu a sawi bawk a ni.

<><><>